



職方典第一千三百二十八卷

惠州府部彙考四

惠州府學校考

府志

本府

惠州府儒學在府治之東南宋淳熙乙未州守張孝賁始建學寶慶丁亥文學掾王曾建學門於東南隅爲亭其上曰麗澤淳祐壬寅燬於火元至元戊子重建壬辰廉訪僉事張處恭修之泰定乙丑教習劉惟清修大成殿及明倫堂天曆中教授張廷實修戟門教授石巖立進士題名記明洪武乙卯知府楊伯顏不花重建永樂庚寅知府龍淵修之教授古龔賓復徙門於左正統丁巳提學彭琉始復學西故基又購地以益之射圃地久爲軍衛倉至是復袤一十六丈五尺闊一十餘丈又市千戶孟質民人黃異地廣一丈五尺袤十丈辛酉知府鄭安復修之始爲尊經閣景泰辛未知府滕康修櫺星門泮池天順甲申燬於火郡守李叔玉重建弘治丁巳僉事王相知府涂疇修兩廡及戟門正德丙寅知府呂大川重建尊經閣修饌堂號房作射圃

立觀德亭壬申知府梅吉易櫺星門以石乙亥知府陳祥闢故地於東南隅爲門嘉靖癸未御史涂敬檄知府蘇輔新之丙戌知府顧遂推官周楫始告成事庚寅始奉制易大成殿曰

先師廟始建啟聖祠壬辰知府蔣淦建敬一亭并重修學宮丙辰知府姚良弼通判吳晉大修廟學丁丑吳晉具祭器萬曆乙亥知府李畿嗣修飭廟廡堂舍一新甲午知府林國相重建學門丙申重建啟聖宮明倫堂尊經閣名宦鄉賢二祠修飭殿宇兩廡戟門櫺星門今制前爲廟後爲學五間從以兩廡各十間南爲戟門五間爲泮池又南爲櫺星門池之東爲庫房爲土地祠西爲神廚爲宰牲所明倫堂在廟之後堂之南爲志道據德依仁游藝四齋堂北爲敬一亭中立敬一箴東西立御註五箴聖諭碑亭北爲尊經閣又北爲啟聖祠左右爲名宦祠爲鄉賢祠閣之東西列爲號房四十間今爲衙宇西爲射圃有亭曰觀德伸威東南爲教授宅後爲訓導宅今圯建爲學宮堂東南爲學門通衢舊設屏牆後廢以木爲之屏牆顏曰宮牆數仞崇禎八年知府周世盛修十一年知府梁招孟修十四年又修

歸善縣儒學在白鶴峯東南元泰定甲子始建學後郡博士黃光祖徙建今所元季遭兵燹明

洪武三年知縣木寅建殿廡堂齋後圯十七年重建宣德己酉修正統己巳知縣徐琦建尊經閣及門景泰丙子知府段鑑等復修成化五年叅議王英等修殿廡堂齋知府吳繹思改學門修戟門及廡舍瑩垣而飭之正德庚午建瑞徵亭丁丑撤戟門新之己卯撤瑞徵亭培學東池爲地嘉靖丙戌知府顧遂等重建今學易櫺星門以石壬辰建敬一亭戊戌提學吳鵬再新之辛丑具祭器丙午知府吳至等重修張岳記丙辰知府姚良弼等修殿廡堂齋重建敬一亭號舍二十間嘉隆之際兩遭兵燹教官徙寓府學堂序傾圯萬曆丁丑守道李盛春等重修明倫堂建教諭訓導宅始復居焉甲午同知丘一鵬等建尊經閣於明倫堂後徙教諭宅於閣之西隅今制中爲

文廟從以兩廡前爲戟門又前爲櫺星門明倫堂在廟後有齋二東曰時敏西曰日新堂之北爲尊經閣閣之西爲教諭宅閣之東爲訓導宅宅前爲啟聖祠東齋之南有號房東南隅爲學門環以周垣門外地數武是爲東湖中有印山 豐湖書院在郡城西南銀岡之麓舊爲聚賢

堂宋淳熙甲辰州守趙汝馭建寶祐甲寅州守劉克剛改爲豐湖書院明洪武初卽之爲縣學

十七年縣學既立乃廢

張留書院在水簾洞宋紹興間丞相留正祕書張宋卿爲布衣交

時共讀書於此元末兵燹廢

濂溪書院今景賢祠

天泉書院在元妙觀左明萬曆丁

酉建有郡人葉夢熊記

南隅社學在萬石坊今復建真武廟於上廳外祀二顧公

北

隅社學原城隍廟地

西隅社學在受納倉側今建關王廟

東隅社學在東新橋東原

淫祠提學魏校毀分巡吳彥建爲社學

東關社學原申明亭舊基知縣陳徵建

崇正

社學在銀峯鋪本廢廟基明嘉靖丙辰通判吳晉改建

上堡社學

中堡社學俱在永

平鎮

外州縣

博羅縣儒學在浮碇岡之麓宋端平中始建學淳祐中修之建瑞光樓咸淳中令洪伯清闢地而新之元初僅存戟門至元三十一年廉訪張處恭令劉亨重建元末廢明洪武四年重建永樂二年始立學門修大成殿正統二年復修之李時勉記知縣趙豐增葺廡舍天順中修櫺星門戟垣及學前之衢重繕殿廡堂齋始建尊經閣修戟門建會膳堂弘治戊申移置瑞光樓己

酉修樞星門辛酉修戟門正德辛未重修瑞光樓庚辰建仰高祠合祀名宦鄉賢嘉靖癸未建東號房射圃亭乙未重建明倫堂奉制建敬一亭癸卯復修學今制學之前爲

文廟五間爲東西廡各三間爲戟門樞星門各三間爲神庫神廚宰牲所各三間廟東北爲訓導宅後爲明倫堂五間堂之後爲尊經閣後爲教諭宅堂之東爲崇德齋三間西爲育才齋三間東南爲瑞光樓樓之左爲敬一亭敬聖祠右爲仰高祠合祀名宦鄉賢南爲東西號房各八間而射圃在學之後焉 鄭公書院在羅浮山幽居洞後宋寺丞鄭玠讀書之所子康佐守惠

日嘗葺之一作書堂

羅浮書院在仙福都泊頭村

擢桂書院在神護都鐵場村

清灣書院在石灣巡司後以上皆宋時鄉人所立元季並廢

豫章書院在城橋頭巷華光

祠改

鈞鰲書院在仙福都一圖豫章羅先生創建置渡田若干以贖來學歲久傾圯元至

正縣尹陳從仕修復之後廢渡田悉并於豪明嘉靖十九年盡復焉

涵江書院在羅仙都

周塘嶺側邑人翟宗魯建

興賢社學在縣治左數十步

西隅社學在縣西富教巷側

俱提學魏校立

江東社學在縣東舊驛場之左

榕溪社學在縣西門榕溪

禮村

南隅社學在羅仙都明嘉靖元年提學魏校建立四年提學歐陽鐸毀淫祠取木石增修焉

禮村西隅社學在羅仙都原淫祠明嘉靖三十二年邑人教授張沆改立 羅浮社學在羅

仙都舊沙河驛舉人翟宗魯建 蓬萊社學在大蓬瀝 原岡社學在羅仙都 清灣

社學在石灣 西埔社學在神護都 白沙社學在仙福鄉

長寧縣儒學明萬曆元年建在東城之內六年知縣陳茂蕙改遷

文廟於縣治之東爲東西廡爲廟門爲櫺星門改建明倫堂於廟後東西爲號房後依君子嶂前

對貴人峯三奇六秀無不相迎第儒學門牆并學官廨舍尙在舊址諸坑所聚久曠不居今悉

頽壞 在城社學明萬曆十二年知縣龍應濱建 錫場社學明萬曆七年知縣陳茂蕙

建

永安縣儒學初議縣東未建明萬曆十一年遷於紫金山下建

文廟及兩廡明倫堂在廟北前爲兩齋東爲教諭舍南爲儒學門戟門建夾門祀名宦鄉賢作櫺
星門內爲泮池引城東流注之祀啟聖於明倫堂後東爲尊經閣又東爲文昌閣北爲敬一亭

又東爲道義門東爲訓導衙規制乃備門左爲省牲亭知縣陳榮祖建 烏石社學在古名

苦竹派社學在寬得 琴江上鎮 琴江中鎮 龍窩 南嶺以上社學俱明知縣

陳榮祖建

海豐縣儒學在縣治東南隅舊居邑西偏宋康定二年始徙建今所余靖記淳祐辛亥修之元
季兵燬明洪武十三年重建二十七年正統六年十二年咸修之天順六年修櫺星門成化己
亥重修嘉靖壬午改建

文廟於東徙明倫堂於西鑿泮池建禮門庚寅奉制建敬一亭甲寅修明倫堂闢禮門易柱以石
重建東齋萬曆壬寅建尊經閣於廟後改啟聖祠於廟東乙卯改敬一亭於明倫堂之東北嗣
後修葺不一今制學東爲

文廟五間東西廡五間戟門五間櫺星門三間廟後爲尊經閣閣上祀文昌閣下爲教諭宅閣東
爲訓導宅廟東爲啟聖祠西爲明倫堂東進德齋西修業齋東爲名宦祠西爲鄉賢祠東北爲
敬一亭前爲宰牲所堂下爲泮池次爲禮門射圃原在明倫堂西崇禎十一年設於西門城下

文山書院在縣東南改陽羅公廟爲之

桂林書院在碣石城外旗峯山改永興寺爲之

清明書院在碣石城內改觀音廟爲之

西峯書院在甲子所城西改西峯寺爲之以上俱

明提學魏校立久廢

龍門書院在縣署西

北門社學在縣北改五顯廟爲之

河

頭社學在縣東改天罡廟爲之

城南社學在縣南改水仙廟爲之

龍津社學在城東

門外改五顯廟爲之

石橋社學在碣石城外

捷勝社學在捷勝所俱明提學魏校立

久廢

龍川縣儒學在縣城之東學故在城北礮山之麓爲宋崇寧故州徽宗賜辟雍詔碑存焉淳熙嘉泰端平嘉熙間嘗葺之元至元辛巳燬於兵厥後卽城東李守舊宅權爲廟學延祐戊午知州徐震仍建學於城北至正間又燬於兵時礮湖亦已湮矣明洪武初因城東遺址修建縣學成化十三年復建於城北弘治元年又修城東學嘉靖二年復隄礮湖建今學十一年奉制建敬一亭啟聖祠二十一年因學宮圯壞復建於城東爲今學知縣歐陽深建尊經閣於明倫堂後規制一新萬曆二十二年置祭器今制前爲

文廟三間爲東西廡各五間爲戟門五間中爲泮池左爲名宦祠右爲鄉賢祠爲櫺星門五間廟後爲明倫堂三間堂後爲敬一亭啟聖祠各三間堂左爲杏壇今廢爲神廚右爲教諭訓導宅爲日新時習二齋各三間東西號房各十間 啓峯書院在啓山之陽宋循州守梁克俊建祀先賢元季廢 仰止書院見二賢祠 興賢社學在城外東隅 南隅社學在城外

之南

龍津社學在五里

正誼社學在東垣

雲衢社學在通衢驛右

長樂縣儒學在縣東紫金山之下宋紹定中始建於七都之龍岡時龍岡爲縣治淳祐初縣令林朝孫修之元至元庚寅徙縣於今治乃建學於治西至順初成之元季兵燬明洪武三年重建十八年復改作之成化元年知縣黃瑜視其地廛隘始徙建今所十一年改建櫺星門以石弘治間修膳堂鑿泮池正德中修殿及戟門增修垣牆始徙山巔旗纛廟嘉靖元年引水入於泮池明年建尊經閣卽旗纛祠地後廢增號舍十年築地增修學宇建明倫堂大之十一年奉制建敬一亭卽尊經閣舊址十四年增建十五年改儒學向葵泮池建青雲橋十九年立科貢題名二十七年重建三十三年重建鄉賢名宦祠明年修進德修業二齋及學門增建禮門義

路坊修東西號房萬曆二十年增置祭器今制前爲

文廟五間爲東西廡爲戟門五間門之東爲名宦祠西爲鄉賢祠泮池在其南爲櫺星門爲神廚爲宰牲房學後爲明倫堂五間東爲進德齋西爲修業齋齋後爲訓導宅堂之北爲膳堂爲啟聖祠三間祠右爲射圃有亭北少東爲敬一亭西爲教諭宅東西列爲號房 東山書院在

東山麓

居仁社學在城東隅布政司右

由義社學南隅新街口

立禮社學在西

隅

秉智社學在北隅俱明知縣羅瓊建

縣前社學在急遞鋪後知縣吳希澄建

羊頭社學邑人黃鼎建

小渡社學邑人陳大護建

三派社學

興寧縣儒學在縣治之東南宋嘉定中始建於縣東百步咸淳戊辰飭之元末兵燬明洪武辛亥創建在城東南乙卯改作之正統中填後池廣之重構堂宇建尊經閣天順己卯修廟宇戟門櫺星門辛巳寇焚廡及號舍頒書祭器咸燬知府吳繹思等重建甲午建庫房號舍丁酉改門東面鷄靈山遷射圃於學東立觀德亭壬寅御史徐瑁以諸生請始卽舊嶺東道徙建今學弘治乙卯建尊經閣兩齋號舍易民地及池以拓之氣象閎闊矣是歲建舍壬戌修兩廡戟門

櫺星門以石正德戊辰修號舍丙子增訓導宅於右偏嘉靖庚寅奉制建敬一亭乙未修明倫堂丁酉修廟建啟聖名宦鄉賢祠辛亥復建啟聖祠乙卯建宰牲亭今制前爲

文廟五間爲東西廡各五間廟南爲戟門爲櫺星門廟後爲明倫堂三間左右室爲神庫堂北爲訓導宅室東爲進德齋西爲修業齋各三間東齋之南爲道義門門南爲儒學門門東爲敬一亭西爲啟聖祠亭北爲教諭宅又北爲訓導宅門南爲泮池啟聖祠之東爲名宦祠西爲鄉賢祠探花書院故壽慶寺地在西南五里宋學士羅孟郊嘗構屋於池邊讀書有洗硯池書院翰林堂久廢明正德間提學魏校改建尋圯嘉靖知縣黃國奎重修門扁曰探花書院堂扁曰翰林堂羣英會館在城北隅明萬曆己丑署縣本府推官王棟建富穀社學在際留倉前明嘉靖十二年知縣施幹建維城社學在西門壕塘右邊明嘉靖十二年知縣施幹建後廢三十一年知縣黃國奎重建十三都社學在巡檢司城隍廟東連平州儒學在州治左明崇禎六年建中爲

文廟兩廡翼焉南爲戟門內開泮池引北門源泉注之又南爲櫺星門明倫堂在廟北前爲兩齋

東爲學正舍西爲訓導舍啟聖宮在明倫堂左敬一亭在明倫堂後

河源縣儒學明洪武二年建於舊城東南隅舊志舊城濱河屢遭水患學宮廟廡門堂悉圯萬曆壬午復古城而遷縣治號曰新城乙酉遷學於新城西北隅東向建廟於中左右爲兩廡前爲戟門又前爲櫺星門廟右爲明倫堂左右兩齋曰進德曰修業前爲儀門又前爲儒學門堂之西北隅爲啟聖祠皆撤舊宇木石稍增補飾新之萬曆壬辰建名宦鄉賢二祠於戟門左建敬一亭於廟後規制始備然學宮之前猶未有水以增其勝知府林國相濬源築隄水匯勝完矣 倡南書院明知縣鄭敬道創建以宋古成之第進士爲南粵倡名觀瀾書院 崇文書院以上俱原社學地知縣黃錦修立 東隅社學 南隅社學 北隅社學俱在上 廊章田渡頭原七姑廟久廢

和平縣儒學在縣治之西明正德十六年立縣治迺建學嘉靖二年知縣劉琰增置官廡號房宰牲房發露臺立名宦鄉賢二祠規制略視諸學焉歲久且壞嘉靖二十六年僉事范惟一督縣修葺之至三十五年始成今制前爲

文廟三間爲東西廡各五間附兩廡東爲名宦祠西爲鄉賢祠各三間爲戟門爲櫺星門各三間
廟右爲啟聖祠三間後爲明倫堂三間東爲進修齋三間爲號房四間堂後爲教諭宅左爲訓
導宅前爲儀門爲學門學之西爲敬一亭 在城社學今廢暫將縣前急遞鋪改爲之

西城社學在西門外城隍廟側明嘉靖二年知縣劉琰建 林証社學去縣南六十里嘉靖
十七年知縣郭惠建

惠州府戶口考

通志

府總

皇清順治十四年府全書開載丁口六萬一千七百七十二丁實編人丁三萬五千八百一十二丁

歸善四千九百四十九丁

博羅八千三百八十九丁

海豐五千三百三十五丁

龍川二千七百九十八丁

長樂三千八百三十六丁

興寧一千八百三十六丁

長寧八百六十丁

永安二千七百八十三丁

連平州一千三百八十四丁

河源

二千九百四十四丁

和平七百二十丁

實在食鹽課銀二萬五千九百六十口

歸善四千五百六十口

博羅五千一十四口

海豐二千一百一十三口

龍川四千六百四口

長樂二千六百二十四口

興寧

五十四口

長寧八百五十八口

永安一千三百五十五口

連平州九百一十六

口

河源二千六百八十一口

知平一千一百八十一口

康熙元年府總實在人丁二萬九千六百五十一丁五分新編丁四千八百四十九丁

歸

善四千九百四十九丁

博羅八千三百八十九丁

海豐三千八百一十九丁五分

長樂二千一十丁新編一千八百二十六丁

興寧一千九百二丁

長樂八百六十一

丁

永安一千六百七十丁新編一千一百一十三丁

河源二千九百四十四丁

龍川一千二百七十二丁新編一千五百二十五丁

連平州一千一十三丁新編三百八

十五丁

和平八百二十二丁

實在食鹽課銀二萬四千八百二十三口

歸善四千九百五十六口

博羅五千一十

四口

海豐七百四十八口

龍川四千六百七十九口

長樂二千六百二十四口

興寧五十四口

長寧八百五十九口

永安一千三百五十五口

河源二千六百

八十一口

連平州九百六十四口

和平一千二百八十五口

康熙十一年府總實在人丁三萬一千七百五十四丁五分新編丁五千六百零二丁

歸

善六千四百三十四丁新編六百七十七丁

博羅八千三百八十九丁

海豐四千四

百二十四丁五分

龍川一千二百七十三丁新編一千五百二十五丁

長樂二千一

十丁新編一千九百二丁

興寧一千九百八丁

長寧八百六十一丁

永安一千

六百七十丁新編一千一百二十三丁

河源二千九百四十四丁

連平州一千一十

九丁新編三百八十五丁

和平八百二十二丁

實在食鹽課銀二萬五千九百一十

四口

歸善五千一百三十二口

博羅五千一十四口

海豐一千一百七十八口

龍川四千六百七十九口

長樂二千六百三十三口

興寧五十四口

長寧八百

五十九口

永安一千三百五十五口

河源二千六百八十一口

連平州九百八

十口

和平一千三百四十九口

惠州府田賦考

府志

府總

順治十四年府全書開載田地山塘四萬六千六百八十八頃六十五畝九分四釐

歸善

九千二百七十頃二十八畝七分五釐一毫

博羅七千八百七頃二十六畝四毫

海

豐一萬六頃六十三畝七分三釐三毫

龍川三千一百三十六頃四十四畝五分

長

樂三千二十四頃四十八畝三分九釐七毫

興寧三千七百八十四頃八十五畝七毫

長寧一千一百一十頃八十三畝六釐五毫

永安二千四百四十頃六十三畝二分六釐

七毫

連平州一千二百九十六頃四十七畝二分六釐四毫

河源二千七百六十二

頃八十四畝六分三釐九毫七絲

和平二千四十七頃九十二畝三分一釐二毫九絲

夏稅農桑米三百一十五石二斗八升三合二抄

歸善三十三石五斗三升四合二勺

博羅七十一石五斗六升九合四勺

海豐一百五十二石九斗九升四合一勺

龍川

四斗三合四勺

長樂九石九斗五升六合六勺

興寧一十二石六斗七升七合一勺